



**Ocvlvs, Hoc Est: Fvndamentvm Opticvm**

**Scheiner, Christoph**

**Freiburg i. B., 1621**

Cap. XXX. Epitome multorum sparsim dictorum.

---

[urn:nbn:de:hbz:466:1-71258](#)

licet extremi radij à toto Sole in quodvis foraminis punctum congressi, licet digrediantur post illud, nunquam tamen amplius conueniunt, ut possint in communis alictius sectionis base consti-  
tui, &c. E cuius contrario emergit. 6. Cur per lentes conuexas traductæ species, tam venustè præscindantur. quia nimirum re-  
fractio omnes ab eodem punto in totam lentem egressos radios,  
denuo in unum sensu punctum cogit. Vnde 7. liquet, cur lens  
conuexa suam basin communem intra certos limites coercent,  
quos ultra citraq; nequit consistere rectum; foramen vero nudū,  
limitem quidem eidem decernat ante radiorum concursum; post  
vero vix ullum; quia quo amplius à foramine recesseris, hoc o-  
mnia auctiora & distinctiora ferè, licet semper debiliora specta-  
bis. Patet hoc in maculis solaribus intromissis. Patet 8. Cur  
lentes cauæ, si solæ usurpentur, in obiectum parietem nūl unquā  
depingant. quod hinc accedit, quoniam radij à singulis obiecti  
punctis in vitrum allaphi in singula rursus parietis puncta disce-  
dunt, & sic communis aliqua omnibus intersectionibus basis  
nunquam obtinetur. 9. Remorum obiectum, aut vicinum sed  
obscurum, basin communem minus; aut vicinum aut lucidum  
etiam si remouit, eandem magis remouet à lente conuexa. Hinc  
denique 10. ratio redditur, cur in chartam deductæ species a-  
liquando alicubi rubescant, alicubi cærulecant, rubor enim ab  
obiectis nimis vicinis, cæruleus color à nimis remotis depeingitur.  
Nisi dicamus (quod etiam aliquando fit,) vitrum irregulariter  
conuexum esse; nam superficies magis curua rubore, magis pla-  
na cæruleo colore speciem tingit. &c.

## CONTINVATIO HVIVS MATERIAE & multorum sparsim dictorum, epitome.

### CAPUT XXX.

**R**es immissa foramine in chartam, & ab oculo liberè con-  
specta, est eadem, similiterq; se habet, iuxta superius dicta:  
tunica enim Vuea in medio pertusa foramen pupillæ præ-  
bet,

Dd

bet,

bet, respondens asserti perforate; Humor Crystallitus, post foramen pupillæ suspensus à ciliaribus processibus, vitrum conuexum foramini insertum præstat; camera umbrosæ vices gerit, sinus oculi interior, humore vitro refertus; chartæ obtensa, tunica Retina; Quæ si omnium conorum eversorum facta fuerit basis communis, excipiet in se rerum extra positarum, perq; pupillam ingressarum picturam hanc aliter atque charta foramini obiecta, cuius proinde perceptione, videbit rem quamcunque clarè & distinctè; si verò eadem basis eandem Retinam vel transgressa, vel non fuerit planè assecuta, fiet visio vel confusa, vel omnino eversa, ut dictum ante, & amplius mox patebit.

Hinc est ut obiecta tam remotissima quā oculo vicinissima confusa videantur: quia vicinissima capacitate Retinæ transiliunt, basis sua communis, & radios post illam primum cogunt: remotissima non assequuntur, sed citius in humore Vitreo coëunt, ex qua causa candelæ procul positæ maiores sunt propè sitis; & sidera debito multo maiora apparent: hinc aliqui sunt; qui res eminus melius discernunt quam communis; & hisce communis coni basis amplius exporrigitur; cuius rei duplex potest esse ratio; vel quod humoris vitrei profunditas sit brevior, adeoq; Retinæ & Crystallino parua distantia; vel quod Crystallinus sit minus gibbosus sed segmentum sphæræ majoris, aut utraque simul. Qui res communis acutius discernunt quam eminus, contrarijs laborant affectibus: Retinam enim istorum hominū communis coni basis ab obiectis dissitis profecta non assequitur, vel quod Crystallinus nimis sit globosus, vel quod nimia vitrei humoris copia; vel quod utrumq; simul. Hinc videmus nisum illum pupillæ omnibus communem, quando rem nimis vicinam distinguere conatur oculus, contrahitur enim pupillæ foramen; sicut è contrario dilatatur ad remotiora. ut ostensum passim in prioribus. Quæ ampliatio aut imminutio ex eo evenerit, quia ciliares processus sese quodammodo constipant aut relaxant, in qua constipatione aut remissione Crystallinus humor vel congregatur, vel retruditur introrsus, & sic radiorum concursus abbreviatur; aut sese relaxant Processus, & humor Crystallinus quodammodo complanatur,

vol.

vel Vitreus completerur, & sic radiorum conuergentia protelatur, quam rem pupillę apertio necessario cōsequitur, sicut illam clausio. Hinc rursus caussa depromitur cur iuuenes plerumque visu acuto tam ad propinqua quam ad remota polleant; quia vide- licet humores ipsorum adhuc tori sunt tractabiles & molles, spiritus visorij viuaces, animastici efficaces; quibus sit, ut bulbum ocularem in omnem opportunitatem singant, in omnem locum propellant, facileq; humoris Crystallini atque Tunicae Retinæ intercapedinem vel abbrevient contracto, vel prolongent laxato pupillæ foramine, & sic communem atque ordinatam pyramidis inuersæ basin semper in Retinam compingant. Ex hoc eodem fonte emanat illud, ut seniculi quidam tantum in remota, quidam tantum in propinqua distinctè ferantur; illis Crystallinus humor ex siccitate tenuior & spirituum penuria intractabilior, hisce ex frigiditate durior & globosior est redditus. Iterum caussa etiam redditur cur pupilla amplietur in tenebris ad obscura intendens, contrahatur in lucidis ad clara, & cur aestate facilius multo & amplius laxetur, quam hyeme, ut experientia docet. nam obscura rationem obiectorum remotorum induunt, ideoq; conos breues effingunt in oculo, eosque inefficaces, quod basis illorum communis Retinam non attingat: utrique malo oecurritur pupillæ apertione, claritas enim oritur ex amplitudine & specierum rotur, quod ex pluribus punctis plures coni procreentur; longitudo verò ex humoris Crystallini dilatatione, quod sic maioris sphæræ portionem induat: Et quia aestate homo calidior existit, hinc mollior euadit humor Crystallinus, hyeme verò frigore durior, ideoq; hic contumaciorem, illic obsequentiorem omni flexuræ fesse præbet. est enim humor aqueus aestate tepidus, hyeme satis frigidus, experientia autem docet Crystallinum in frigidam intierum mox consolidari. &c.

Hinc & ratio redditur, cur aliqui specillis concavis, aliqui conuexis iuuentur; nam qui concauis utuntur, breuiorem debito nacti sunt conum inuersum, qui protenditur vitris concauis, hæc enim radios dispergunt: qui conuexis gaudent, a quo longiorem adepti sunt conum; ideoq; eundem conuexis vitris contrahunt.

Dd 2      Constat

Constat præterea, cur quidam specillis conuexis nihil inuenitur ad obiecta aliquantum dissita, probè autem cernant, si oculo proxime statuantur. Caussa quia specilla conuexa basis communis stationem contrahunt, sicut & obiecta remota; hinc ipsa Retinam non est assecuta; quod tamen sit, quando obiectum oculo approximat: quia obiecta vicina basin communem longius projiciunt; hinc Retinam assequuntur, &c.

## ARGUMENTA EX DECUSATIONE radiorum visoriorum, pro nostra sententia

### CAPUT XXXI.

**Q**uod situs etiam radiorum visoriorum permutatus dicatis maximum adferat momentum, & omnino conuincat neque in Arachnoide, neque in Crystallino humore, visionē absolui, sequentia quæ fierent absurdā clare demonstrant.

I. Rationem non possunt dare, qui ita sentiunt, cur eadem res liberè & que atque per exile foramen (de quo experimento 2) aspecta maneat semper erecta, & non euertatur situ, visa per foramen: Nam quando res aliqua ab oculo proportionatē distat, & ex aduerso angulo clare conspicitur, radij axi viciniores plerique sunt perpendiculares tam ad Corneam, quam ad Crystallinum, ideoque dextrī in obiecto, erunt etiam dextrī in Aranea, &c. Sit visibile A B, Cornea tunica CD, Aranea E F; quia ergo radij BD, & AC, in Corneam perpendiculariter incidunt, ipsi antecentū ipsius K, se non secant, ideoque in Aranea situs permutatos non habent: adeoq; punctum A sinistrum, videbitur sub radio sinistro AE, punctum B dextrum, sub radio dextro BF. Adhibe nunc foramen G, interiecta aliqua lamina, ita ut radij ab eisdem punctis A & B, in Corneam allapsi, sint AH, & BI, in G decussati: qui licet in Cornea ad H & I frangantur ad perpendiculares, nunquam tamen refracti HF, & IE se intersecare poterunt.

